



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CXII. Bischof Dietrich von Lebus bekundet, daß das Karthäuser-Kloster vor  
Frankfurt ihm die Pfule auf der Feldmark Nieder-Jehsar gegen acht Morgen  
Wiesewachs und den Zehent von wüsten Hufen zu ...

---

---

**Nutzungsbedingungen**

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

CXII. Bischof Dietrich von Lubus bekundet, daß das Karthäuser-Kloster vor Frankfurt ihm die Pfulen auf der Felbmark Nieder-Zehsar gegen acht Morgen Wiesewachs und den Zehent von wüsten Hufen zu Jahnäfelde abgetreten, am 4. Dezember 1507.

Wir Dietrich, von gots gnaden Bischoff zu Lubus, Bekennen —, Alsdann die wurdigen vnd Andechtigen hern Gregorius, priorr, vnd gantze Conuent des Closters Barmherzigkeit gots, In vnserm Stift vor franckfurt gelegenn, alle gerechtigkeit, so sie vnd Ires Closters arme lewt, die von Nydern yeser, vff den pfulen vff den gedachten felden, by den Malnowischenn pfulen gelegenn, gehabt, gebraucht vnd besessen, zu ewigen tzeiten vns vnd vnsern nachkomen Bischohen zu lubus verlassen vnd vbergeben haben, Also das wir vnd vnser nachkomen Bischohen zu lubus vns fulcher pfulen, soferne vnd weyt sy mit wasser vnd Iren vfern vnd Renen begriffen, nach vns vnd vnser nachkomen nutz, frommen vnd besten gefallen, vngehindert brauchen vnd zu ewigen tzeiten geniessen mogen, vor sy vnd ydermeniglich vngehindert, doch den von Nydern yeser vorbehalten vnd vngeirret, so weyt Ir grenitzen sich erstrecken ann Irenn eckern, weyden, hut vnd wege, laut Ires briues, vns derhalben gegeben vnd vberantwort. Haben wir zu widerstattung solchs willens vor vns vnd vnser nachkomen Bischohen zu lubus vorgonnt vnd nachgegeben, vergonnen vnd geben hiemit Inn craft vnd macht disses briues, das gedachte Inwoner des dorffs Nydern yeser, so nun seyn vnd In zukunfft sein vnd komen werden, sich des Rores vff vnserm See hoen geser vff der seyten nach Irer feltmarck vnd grenitz, so weit sich die erstreckt, alle Jar zur Irer notturft stossen vnd gebrauchen, Auch krebs mit den henden Im gnanten vnser Stiffts See, doch mit keynerley netzen oder gestricke, fahen vnd bekommen mogen. Darzu haben wir acht morgen wisewachs vber Oder, Inn der Newen wiesse genant, gedachten Inwonern, den von Nydern yeser vnd Iren nachkomen, sich der hinfurbas nach Irem besten gefallen zu brauchende, gegeben vnd sy daran geweyset. Auch haben wir vor vns vnd vnsern nachkomen Bischohen zu lubus verlassen vnd nachgegeben auch In craft vnd macht disses briues, den Bischoff zehent von den wüsten hufen zu Jhansfeld gedachten Carthewfern Itzund zustendig, alles zu ewigen tzeiten. Desß haben wir zu mehrer sicherheit vnd vorschribner beueftigung vnd steter haldung vor vns vnd vnser nachkomen Bischohen vnser Insigel vnden an duffen briue hengen lasen, der gegeben ist zu lubus, am tag Barbare virginis, Nach cristi gebort funfzehnhundert vnd Im siebenden Jaren.

Georgius de Blumentall, Secretarius subscripsit.

Nach dem Copialbuche des Karthäuser-Klosters, No. 103.